



Projet promovût di 'La Vôs dai Furlans' e 'ARLeF'

Lu saveviso che...?

Cemût si viazavial prime des machinis e dai trens? Dispès si doprave la carroce, un mieç cun ruedis tirât di cjavai. A San Martin, dongje di Codroip, al è il Museu Civic des Carocis Antighis. Culi si puedin viodi di dongje plui di cuarante carocis dal Votcent e dai prins agns dal Nûfcent. A son di ogni sorte: di gale, par puartâ la pueste e chês che a podevin vuidâ ancje i fruts. Al è ancje l'omnibus, il nono dai autobus! Ce disêso fruts, laraiso a visitâ il museu?



© ELIO E STEFANO CIOL

La cjançon de setemane



SACHE BURACHE

Di gnot, Unvier, menant il cjar, a rivin i belandants! A rivin i belandants...!

Cjantìn insiemi "Belandants" su YouTube ARLeF



Dilu in plui lenghis!



LA RUEDE



THE WHEEL



LA RUOTA

cumò fâs tu!



Piture il dissen!



LES IMAGINS A SON GIAMADIS FÛRDI HTTPS://ITEREPEK.COM - HTTPS://PKABAY.COM - HTTPS://ARLEF.IT/

Pagine curade dal Sportel Regionâl pe Lenghe Furlane de

ARLeF AGENZIE REGIONÂL PE LENGHE FURLANE

Vuelistu tornâ a viodi lis pontadis di Maman!? **Cirilîs su**

YouTube ARLeF

ANCJE 'ON DEMAND' SU **telefriuli**

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. La Lune e à voie di fâti cualchi dispriet e cussi, biel che tu ti gjoldis un moment di pàs, jê ti fâs un çopedon.



Gjambar. Tu sês plen di fuarce e voie di rivâ, lis stelîs a son de tô bande, ce vuelistu miôr di cussi?



Taur. Tu âs pôre che i bêçs no ti bastin, ma se tu stâs daûr dal to program no tu âs di vê pôre di nuie.



Leon. Tu vuelis gjolditi une vite comude e plene, e par vêle tu fasis tancj sfuarçs, atent però a no lassâ indaûr la famee.



Zimui. Sta plui dongje di fradis e amis parcè che a podaressin dâti il consei just.




Vergjine. Tu âs di frontâ un biel dubi: restâ leât ae vite di ogni dì o fâ un biel viaç? In duçj i doi i câs, tu lu risolvârâs cuntun truc.



Balance. Alc di chei che ti son intor no ti convinc, tu fasis ben a fâ cualchi pas indaûr e a no cjapâ nissun impegn.



Sgarpion. Ti è vignude tal cjâf une persone che no tu viodis di un pieç, tu fasis ben a clamâle.



Sagjitari. Intes discussions in famee tu âs di vê un grum di pazienze e no tu âs di rabiâti. Cussi dut si sclaris miôr.



Bec di mont. Tal lavôr tu rivis a meti in pratiche lis tôs cognossincis e i coleghis ti disin graciis.



Agarûl. Tu sês plui viert cu la int e chest ti permet di cognossi personis gnovis, cualchidune e pues diventâ tô amie.



Pes. La energie di chei d'is achi ti puarte a fâ une vore di sport, ma une energie compagne no tu le âs intai rapuarts cun chei altris.